



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : TAOIST CHING CHUNG PRIMARY SCHOOL (WU KING ESTATE)

学校名称 : 道教青松小学 (湖景邨)

Name of Play 剧名 : 一个拥抱

Script writer 剧作者 : 青松戏剧组

Synopsis 故事大纲 :

当人生不断地围绕着分数，学习讲分数，操行讲分数，连去食饭选择那一间餐厅都要用评分的世界。

故事两位主角姐姐数学科属于低端人，弟弟语文欠佳，去到连字都好似不识-样。一个甘愿为子女放弃高薪厚职专心照顾子女妈妈，一个不辞劳苦彻夜不眠只为家庭的爸爸，各人都为这个家付出一切。直至有一日，故事就由学校决定要将两姊妹留班开始.....! 姊弟二人得悉恶耗在街上落寞之际，遇上一个奇特婆婆，能够帮助二人解决困境，但条件是要.....!

每一个人成长都会被社会赋予不同期望，价值观，如何才能打破这个迷思呢？父母对儿女有着不同的期望，但可曾听过他们的心底声音呢？一个看完后不会令你赢在起跑线，却赢在终点线的剧目。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 数字人生

(灯暗，轻音乐渐入，一男女孩从台右走出，音乐渐细。)

靖：家姐，行快 D 啦。如果唔系就返学迟到㗎啦！

倩：细佬，你咪走咁快啦，小心啊！

靖：有屎！咦？家姐，你睇哩度有个十蚊咁！

倩：你唔系谗住执咁！

靖：傻㗎！我谗哩个世界都有人敢执咁！

倩：仲讲，快 D 啦！（学校钟声响起，靖二人离去，靖回头再看十蚊摇头一笑，此时老师从台另一边入）

老：顾倩，顾靖，你地两个都算系学校开校以来第一.....对姊弟同时留班，老师担心你哋嘅将来，想见一下你哋嘅父母，你叫佢哋听日黎搵我啦！（老师停顿离场，倩，靖沮丧慢慢步向台前，灯光转变，台上站着三组人，每组均定镜不动，随着音乐，灯光转变，而每一会作出不同的动作）

靖：家姐点算呀？回家实俾妈妈闹死！

倩：乜你敢回家咩？有计，不如去悠闲杂货店睇下买啲嘢凶翻妈妈！倩飞快离去）靖：等埋咁！（灯光转变，见台上布置成一杂货店，一老婆婆正在打扫地方）

红：（乡音）哎哟，日上三竿。得个睇字又唔买，今日都系要拍乌蝇嘞！（此时倩，靖入）

靖：家姐，不如买条颈炼俾妈咪咁？

倩：你傻架咩？呢 D 咁贵嘅嘢梗系留俾爹 D 买啦。

靖：不如买呢样嘢？（从货架拿下一东西）

倩：哗！呢样咁贵，我哋唔够钱架。

J: (Jacky) 呢个咁嘅嘢都唔系好贵啫。

杰：（大只杰）冇钱就唔好学人买嘢啦。

倩：我哋买 D 乜嘢？关你乜嘢事啫？

J: 咁又系唔同一班梗唔关事啦！

杰：系啫，人哋出年要留班啫！

A: 你哋。唔好咁讲嘢啦！（害羞地说）

L: (Linda) 哗！呢个樽好靚咁！（从货架取下）

倩：真系好靚咁！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

靖：（一手抢下）家姐，不如就买呢个俾妈咪啰！

倩：睇下几多钱先啦？（一看，将樽递给靖）

靖：呢度写咩百拾，....圆！（贰佰伍拾圆）

J：贰字系繁写吖，细佬，你唔系连字都唔识吖？（二人笑）

老：咳！冇错，系二百五十蚊，而且连一毫子都有得减。（倩正想问折头）

J：老板娘，虽然呢个烂鬼樽，我俾得起钱，但系值唔值先？

红：喂，豆钉！睇你身光颈靚，意为你好醒，原来系猪头炳。（众笑）呢个并唔系普通嘅樽，呢个系愿望樽。（灯暗，闪电，雷声）

众：愿望钟？

红：唔系愿望钟，系愿望樽。相传远古时有一个神仙被魔法收伏系个樽入面，只要有人愿意解开咒语，神仙就会带俾佢心想事成嘅愿望。（众人围成一团，停顿）

众：唏！（散开）

J：三岁细路哥就信！

杰：俾我就一定唔买。

红：唔买就唔好混桔，走，走，走。

靖：老板娘，我想买。

倩：细佬吖，你想清楚未㗎？

靖：想清楚㗎，我谗妈咪收到呢个樽实钟意啫，到时可能心情靚唔闹我哋留班件事呢。

倩：但系我哋唔够钱㗎，你睇下我哋得一百九十蚊，仲争六十蚊。

L：你哋仲争几多钱吖？不如我借俾你哋吖？

倩：唔驶嘞，唔该！

红：喂，小女孩，你真系好想买吖？，见你两个咁得意，就平 D 买俾你啦，一口价二百！

靖：二百，我哋都仲争十蚊，可唔可以平 D 吖？

老：喂，你知唔知乜嘢叫规举吖，一口价吖，一口价吖！

A：我帮你俾吖！（怕羞地拿出十蚊）

倩：点得㗎！

A：唔紧要啦，你迟啲先还俾我，咪得啰！

S：唔该晒，Apple 我实还返俾你。（递给老）

老：多谢晒㗎！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

杰：傻仔，二百蚊买旧咁嘅嘢！

J：喂，如果你见到灯神嘅话，叫佢帮吓你……唔好咁蠢吖。（二人离去）

靖：我实叫灯神对付你。

L：算罢啦！佢两个系咁架嘞！

A：我哋唔同你哋讲，我哋要回家吖，Bye-bye。

（二人离去）老：喂，喂，喂，走咁快，我呢度仲有好多嘢买㗎。（转身找箱）

倩：细佬，等埋吖。（走）

老：喂，我呢度仲有个魔法钟吖！吖？又会走得咁快嘅乐入）（灯暗，音乐入）

第二场 愿望成真

（灯亮，音乐渐细。看见妈坐在家中，父女三人最在台左一角，不敢进门，只是妈妈从台外喊叫着）

妈：你地返来啦，快啲洗手食饭啦。

靖：爸爸，阵间点样同妈妈讲阿？

爸：我都唔知，见机行事啦！

妈：食饭啦！

爸：妈妈我买咗加料，我入去拎只碟装起佢！

妈：你企定定，系咪有事发生？

爸：冇啊！

妈：冇？你无端端加料？你俾人炒咗啊？

爸：唔系！（姊弟入）

靖，倩：爸爸，妈妈食饭！